

WARBIXINTA IYO QORSHAH A WAXQABADKA QAXOOTIGA IYO HIJRADA (I/R)

2007-2009

WARBIXINTA OO KOOBAN

Kor u kaca aan hore loo arag ee tirada dadka ajnabiga ah tan iyo 1980-kii, ayaa Seattle ka dhigat magaalo leh dhaqanno kala duwan, oo qani ka ah xagga kala duwanaanta. Iyadoo qayb ka ah Tartanka Duqa Magaalada iyo Tallaabada Caddaaladda Bulshada, ayeey City-ga (Dawladda Hoose) ballan ku qaadaysaa in ay xaqijiso in dadka oo idil ay helaan adeeg macmiil oo tayo leh, kuwaasoo ay ka mid yihiin bulshooyinka hijrada iyo qaxootiga ku yimid ee ku nool kana shaqeeya Seattle.

Warbixinta & Qorshaha Waxqabadka Qaxootiga iyo Hijrada waxaa uu tilmaamayaa arrimo muhiim u ah bulshooyinka hijrada iyo qaxootiga ku yimid, waxaa uu qeexayaa dadaalka magaalada oo idil ka socda, waxaana uu jiheynayaa waxqabadka muddada soke iyo muddada fog ee ka tarjumaya tallaaboooyinka xiga ee ay Magaalada wax uga qabanayso isdhixgalka dadka hijrada iyo qaxootiga ku yimid iyo bulshooyinkeena.

Warbixinta waxaa ay ka soo if-baxday hawlaха soo socda ee lagu baadigoobayey xaqiqda iyo wadatashiyo dhowr ah ee lala yeeshay dadka ay quseyso, oo ay ka mid yihiin wakiilada bulshada:

- Kulanka dadweynaha ee Golaha Magaalada ayaa la qabtay Maajo 2005.
- Baaritaan lagu sameeyey adeegyada iyo barnaamijyada ay haatan qabtaan City-ga (Dawladda Hoose).
- Muraajaco lagu sameeyey barnaamijyada ka jira qaybaha maamul kale hoos yimaada.
- Hawsha ka qayb qaadashada bulshada oo ay ka qayb qaateen 260 qofood.

Mawduucyada soo socda ayaa soo sare maray oo noqday dulucda iyo qaybaha uu ka kooban yahay warbixinta iyo qorshaha waxqabadka.

• Helitaanka Adeegyada iyo Macluumaadka	• Cududda Shaqaalaha iyo Horumarka Dhaqaalaha
• Amniga iyo Xuquuqda Shacabka	• Qabashada Adeegga
• Waajibaadka Nolosha Magaalada	

Warbixinta waxaa ay baaraysaa mawduuc kasta, iyadoo ay jiraan qaybo ku saabsan qoddobo muhiim ah, dadaalka socda ee City-ga (Dawladda Hoose) iyo tallaaboooyinka wax looga qabanaayo ee muddada soke iyo muddada fog. Waxqabadka la tilmaamay ayaa ah tallaaboooyinka soo socda ee dadaalka joogtada ah ee ay City-ga (Dawladda Hoose) ku sameynayso bulsho qani ka ah dhaqanno kala duwan, iyadoo ay si buuxda uga wada qayb qaadanayaan dhammaan dadka halkaasi ku nool.

Helitaanka Adeegyada iyo Macluumaadka

Qoddobada muhiimka ah: Dad badan oo hijrada/qaxootiga ku yimid (I/R) aqoon uma laha barnaamijyada City-ga (Dawladda Hoose) iyo/ama sida ay u heli karaan. Intaasi waxaa raacsan, dadaalka ay City-ga (Dawladda Hoose) ugu baaqayso kulana xiriirayso bulshooyinka ayaa ah kuwo is khilaafsan oo aysan waaxyada ka mideysnayn.

Dadaalka City-ga (Dawladda Hoose) ee Socda: Bogga internetka ee City-ga (Dawladda Hoose) ayaa laga helaayaa tusmo ah dukumeentiyada waaxyada oo lagu tarjumay 26 luqadood. Sannadkii 2006-da, City-ga (Dawladda Hoose) waxaa ay dib u

habeysay Kaydka Luqadaha Shaqaaha si loo horumariyo in waaxyada gudahooda laga helo adeegyada turjubaanka.

Tallaabooyinka waxqabadka: City-ga (Dawladda Hoose) waxaa ay hirgelin doontaa qaab hawleedkeeda cusub ee la xiriira hawlaha turjubaanka; waxaa ay sameyn doontaa xafiis cusub oo lagu magacaabay Hoggaanka Adeegga Macmiilka kaasoo ah barta hore ee xiriirka; waxaa ay sameyn doontaa qaab cusub iyo/ama hagaajinaysaa xiriirrada jira iyo xeeladaha loogu baaqayo bulshooyinka I/R; iyo wax ka qabadka baahida dadka hijrada/qaxootiga ku yimid oo qayb ka ah dadaalka loogu diyaar noqonaayo xaaladaha degdeggaa ah.

Xuquuqda Amniga

Qoddobada muhiimka ah: Dad badan oo ku yimid hijrada/qaxootiga (I/R) ayeey ku yar tahay aqoonta ama maclumaadka la xiriira sharciyada iyo dhaqannada Mareykanka, oo ay ka mid yihii xuquuqda ay leeyihiin shacab ahaan iyo sharci ahaanba. Qaar badan ayaa sidoo kale awoodin in ay helaan adeegyada xagga sharciga.

Dadaalka City-ga (Dawladda Hoose) ee Socda: Duqa Magaalada ama Golaha Magaalada ayaa guud ahaan taageersan, dib u habeynta insaaniyadda ku dhisan ee sharciyada hijrada. City-ga (Dawladda Hoose) waxaa ay xaqiijisay xuquuqda dadka ku yimid hijrada iyo qaxootiga ay ku helayaan adeegyada City-ga (Dawladda Hoose) iyagoo ka mamnuucay shaqaalaha City-ga (Dawladda Hoose), oo ay ku jirto Qaybta Booliska ee Seattle, in ay dadka weydiyaan sharciga ay dalka ku joogaan iyo in ay aqbalaan noocyada kale e aqoonsiga, tus. kaarka aqoonsiga Meksikaanka.

Tallaabooyinka waxqabadka: City-ga (Dawladda Hoose) waxaa ay iskaashi la yeelan doonaan kooxaha bulshada ka tirsan si loo sameeyo maadada lagu barto “Sharciyada iyo Dhaqannada Mareykanka 101” ee loogu talagalay bulshada ku timid hijrada/qaxootiga. Duqa Magaalada waxaa uu sii wadi doonaa in uu si cad u taageero dib u habeynta insaaniyadda ku dhisan ee sharciyada hijrada, iyo weliba in la sameeyo miisaaniyad heer gobol iyo heer dawlad dhexe ah oo lagu taageerayo helitaanka gargaarka xagga sharciga.

Waajibaadka Nolosha Magaalada

Qoddobada muhiimka ah: Bulshooyinka ku yimid Hijrada/Qaxootiga (I/R) waa ay ku yar tahay fursadda ay kula xiriiraan shaqaalaha City-ga (Dawladda Hoose) iyo saraakiisha la soo doorto.

Dadaalka City-ga (Dawladda Hoose) ee Socda: Qaar ka mid ah waaxyada City-ga (Dawladda Hoose) waxaa ay qabaan dad lataliyeyaa ah oo ka tirsan xubnaha bulshada ee hijrada ku yimid.

Tallaabooyinka waxqabadka: City-ga (Dawladda Hoose) waxaa ay arrimo taagan u sameyn doontaa Guddiga Latalinta Hijrada/Qaxootiga iyo Golaha Magaalada. City-ga (Dawladda Hoose), iyadoo kaashanaysa Xafiiska Duqa Magaalada, waxaa ay ballarin doontaa dadaalka ay ugu baaqayso bulshooyinka I/R-ta.

Cududda Shaqaalaha iyo Horumarka Dhaqaalaha

Qoddobada muhiimka ah: Si loogu guuleysto ka mid noqoshada islamarkaana horumar looga gaaro cudadda shaqaalaha, I/R-yada waa in ay bartaan luqadda Ingiriiska ee muhiimka u ah shaqaaleyn, helitaanka jinsiyadda iyo helitaanka khayraadka. Dadka ayaa sidoo kale u baahan fursado tababar iyo kuwo waxbarasho oo la horumariyey.

Dadaalka City-ga (Dawladda Hoose) ee Socda: Qaar ka mid ah barnaamijyada City-ga (Dawladda Hoose) ayaa lagu taageeraa barashada luqadda Ingiriiska iyo fasallada kombiyutarka iyo tababarka iyo adeegyada loogu diyaar noqonayo shaqooyinka. Tallaabooyinka lagu horumarinaayo dhaqaalaha ayeey khayraad ka helaayaan ganacsiyo badan ee ay leeyihii dadka soo haajiray.

Tallaabooyinka waxqabadka: City-ga (Dawladda Hoose) ayaa kala shaqeyn doonta bulshada sidii ay kordhin lahaayeen xirfadda luqadda Ingiriiska, kombiyutarka iyo fasallada jinsiyadda, hadba sidii ku habboon. City-ga(Dawladda Hoose) ayaa sidoo kale siin doonta ganacsiyada ay leeyihii dadka soo haajiray tababar xag farsamo ah.

Qabashada Adeegga

Qoddobada muhiimka ah: Noocyd badan oo hay'ado ah ayaa ka jira Seattle kuwaasoo u adeega bulshooyinka I/R, oo ay ka mid yihiin hay'ado yar ee cusub oo ay maamulaan dad soo haajiray. Mararka qaarkood, qaar ka mid ah hay'adahaan yar, oo badanaa awooddooda ay yar tahay, ayaa u adeega jaaliyad aad u yar. Intaasi waxaa raacsan, qaar ka mid ah I/R-ta ayaa u arka hay'adaha waaweyn ee aysan maamulin dadka soo haajiray kuwo aan ka jawaab bixin baahidooda dhaqaneed.

Dadaalka City-ga (Dawladda Hoose) ee Socda: City-ga (Dawladda Hoose) ayaa si toos ah ku taageerta I/R-ta adeegyo la xiriira nafaqada, adeegyada waayeelka iyo barnaamijyada dhalinyarada, waxaa ay miisaaniyad siiyan hay'ado badan ee u adeega I/R-ta, waxaana ay bixiyaan gargaarka farsamada ee loogu talagalay hay'adaha yar, kuwa cusub, iyo kuwa ay maamulaan dadka soo haajiray.

Tallaabooyinka waxqabadka: City-ga (Dawladda Hoose) ayaa u sahlaysa hay'adaha I/R-ta ee yar oo ay bulshadu maamusho in ay soo codsadaan miisaaniyadda adeegga, waxaana ay aad ugala shaqeyn doontaa hay'adahaani in ay buuxiyaan baahida bulshadooda. City-ga (Dawladda Hoose) waxaa ay wada shaqeyn kala yeelan doontaa bulshooyinka ka yimid Bariga Afrika xagga qiimeyn ta baahida bulshada iyo xoojinta awodda baahida wax looga qabanaayo.